

四庫全書

集部

欽定四庫全書

文苑英華卷四百三十六 宋 李昉等 編

德音三

賑恤德音下

淄青蝗旱賑恤

一作優恤蝗旱諸州詔

編制

門下朕嗣守丕訓恭臨大寶兢兢業業十有三年何嘗不惠下以愛人克己以利物外無畋遊之樂內絕土木之功浣衣菲食宵興夕惕厚於身者無不去便於人者

無不行損羣方之底貢驅時風於朴素將以弘祖宗法
度致夷夏雍熙心雖勞於九垓道未進於一取顧惟不
德慙歎方深今雖遐邇甫寧忠良協志五兵戢其銜刃
百姓絕其征行勤求理道日冀平泰而去秋旱蝗所及
稼穡卒瘁哀此蒸人懼懼艱食是用順時布令助煦育
之深仁施惠覃愍法雨露之殊澤其淄青兗海鄆曹濮
去秋蟲蝗害物徧一作甚其三道有去年上供錢及斛
斗在百姓腹內者並宜放免今年夏稅上供錢及斛斗

亦宜全放仍以當處常平義倉斛斗速加賑救京兆府
諸州縣應有蝗蟲米穀貴處亦宜以常平義倉及側近
官中所貯斛斗量加賑賜灾旱之餘撫養尤切眷茲長
吏必在得人應遭蝗蟲處刺史委中書門下精加訪察
如有煩苛暴虐貪濁懦弱者即須與替邦畿之內徭役
殷繁言念疲人固資矜恤京兆府今年夏青苗錢宜量
放一半應遭蝗蟲及早損州縣鄉村百姓公私債負一
切停徵至麥熟即任依前徵理及准私約計會其遭蝗

蟲及旱損處准勅添貯義倉每畝九升斛斗去秋合徵
在百姓腹內者並宜放免其天下州府貸種糧子在百
姓腹內者更不要徵閉糴禁錢為時之蠹方將革弊尤
藉通商其見錢及斛斗所在方鎮州府輒不得擅有壅
遏任其交易必使流行仍委出使郎官御史及所在度
支鹽鐵巡院切加勾當兼委轉運使設法般運江淮糴
米於河陰積貯以備節給賑濟累時以來水旱時有方
隅郡府杼柚屢空厚下所以安人哀多由其稱物至於

徵歛亦在寬恤應方鎮州府借使度支鹽鐵戶部錢物
斛斗經五年以上者並宜放免天下百姓人吏欠太和
九年以前官錢斛斗家業蕩盡無可徵納囚繫囹圄動
經歲年者亦宜放免犴獄之重人命所懸將絕寬濫必
資慎恤京城百司及畿甸見禁囚徒委中書門下差官
疏理無使冤濫輦轂之下法在肅清奸盜竊發理難容
舍親仁坊今年五日賊依前委京兆府左右街使鳳翔
邠涇金商同華等州切加捕逐如獲頭首准法科斷其

餘支黨一切不問於戲唯此凶災是彰菲德情敢忘於
罪已惠所貴於及人施令布和期於蘇息凡厥臣庶宜
體朕懷主者施行

開成三年正月二十四日

賑救諸道水災德音

一作優恤水災諸州勅

勅朕以寡德臨御萬邦宵旰憂勤匪敢自暇然仁未及
物誠不動天陰陽失和水潦為敗致茲災沴害及生靈
江淮之間滌和尤甚當宁軫惕永言疚懷其淮南道滌
和兩州應水損縣據所申奏漂溺人戶處宜委本道觀

察使與本州刺史子細檢勘全放今年秋稅錢米仍以

義倉斛斗逐便據戶賑接

一作救

其浙西浙東宣歙鄂岳

江西鄜坊山南東道並委觀察使與所在長吏據淹損

田苗漂壞廬舍及蟲螟所損節級矜減指實奏聞如沒

溺甚處亦以義倉量事賑救

一作賜

其京兆府河南府所

損縣即據頃畝依常例檢覆分數蠲減州縣牧宰各務

撫安必令均濟稱朕意焉

一作用稱朕意

太和四年十月九日

一作皆唐大詔令

雨雪賑濟百姓德音

勅朕聞天聽自我人聽天視自我人視朕之菲德涉道未明不能調序四時導迎和氣乃自去冬以來踰月雨

雪寒氣尤甚頗傷天和念茲庶氓或罹凍餒無所假貸

莫能自存宵寢

一作中宵

載懷盱食興嘆悚惕若厲在

一作時

余之辜思弘惠澤以順時令其天下犯死罪已下除官吏犯賊及故殺人者餘並特降從流流罪已下遞降一等應京兆府諸縣宜令以常平義倉斛斗量事賑濟仍

先從貧下戶給其京城內鰥寡孤獨不能自濟瘖聾跛

蹙窮無告者亦委京兆尹兩縣令量加賑恤訖其所破

數聞奏躬

一作
頌

自省閱務令均贍其諸道雨雪過多處

亦委所在長吏量事優恤於戲天生蒸民君以牧之朕

憂勤政經思致于理言念赤子視之如傷天或儆余示

此陰沴撫躬夕惕余甚悼焉布告遐邇明悉

一作
知

朕意

太和六年正月十八日

一作皆唐大詔令

賑恤諸道遭旱百姓勅

詔令作以旱賑
救畿內諸道勅

編制

勅朕承上天之眷佑荷累

舊唐書作列

聖之丕圖宵旰兢

唐書

憂作勞不敢暇逸思致康乂八年于今而水旱流行疾疫

屢作

唐書作疾疫作疹

兆庶艱食札瘥相仍蓋德未動天誠非

唐書未感物一類失所有

唐書作其

過在予載懷罪己之心深

軫納隍之歎宜敷惠澤式表憂勤如聞自去年以來河

東關輔亢旱為患秋稼不收百姓之中頗甚困窮

八年詔今

作人甚困窮

今方春

唐書作春作

之時須務農事

唐書作農務又切

若無

詔令賑救恐至流亡其京兆河南河東河中等九州府
作不

宜賜粟五十六萬石京兆府賜粟十萬石河南府河中

府絳州各賜粟七萬石同華陝虢晉等州各賜粟五萬

石並以常平義倉及折糶斛斗充如無本色即與運米

折給仍委本州府官長

詔令作
長吏

明作等第差清強官吏

對面宣賜先從貧下戶起給其京兆府太和六年青苗

權酒錢在百姓腹內者並宜放免京兆河中河南同華

陝虢晉絳等九州府自太和六年秋稅以前諸色逋縣

除所由車戶已徵得外在百姓腹內者一切放免議獄恤刑前王攸重苟有冤滯即傷陽和應在城諸司諸軍諸使應有囚徒速宜疏理限七日處分訖奏聞河南府等八州府勅到後亦宜准此處分諸色工役非灼然交切者並勒停省應久旱處管內名山大川能致風雨者亦委長吏精誠禱請水旱之數雖云常理導化失節亦致咎災顧惟寡昧敢忘克責常叅官及外府州長吏如有規諫者各上封事極言得失俟有主詔令作斥正期于阜

安咸啟乃誠用致於理無或有隱以忝在公內外官有

貪暴殘虐蠹政害人者憲

詔令作臺

司宜糾察聞奏朕為人

父母虔奉丕業夕惕若厲夙夜匪寧減膳撤縣庶答天

誠咨爾長吏實分子憂勉加撫綏用副惻隱庶切救災

之義爰申為上之懷中外臣僚宜體朕意

太和七年正月二十四日

賑救諸道百姓德音

勅朕以寡德託于兆人之上雖兢兢業業思理不怠而政道多闕和氣用傷仍歲水旱黎人艱食為之父母斯

心鬱陶如聞魏博六州阻飢尤甚野無青草道殣相望
及山南東道陳許鄆曹濮淮南浙西等道皆困於飢疫
慮乏種餉其魏博宜賜粟五萬石山南東道陳許鄆曹
濮等三道各賜糙米三詔今萬石充賑給委度支逐便
支遣仍各令本道據飢乏之處賑給淮南浙西兩道委
長吏以常平義倉粟賑賜應諸道有飢疫處除出軍糧
積蓄之外其屬度支部斛斗詔今作並令減價出糶
雜穀以濟貧人其有牧宰非才貪殘為害及承前積弊須有

條流或寃獄留滯速宜疏決者並委觀察使糾察詳訪

具狀聞奏用彌天青以副朕焦勞之慮焉

太和九年三月二十二日

賑恤江淮遭水旱疾疫百姓德音

編制

門下朕以寡昧嗣守睿圖奉列聖之丕訓撫寧四海受

一作膺

上天之景命司牧兆人敢忘勵志勤身虔恭寅畏

雖動思罪已而陰陽屢愆每念惠人而烝黎尚困是由
政教無素王澤不流精誠未達於玄穹災沴遂痛於下

土是用中宵輟寐未明求衣言念及此良深愧惕近者
江淮數道因之以水旱加以疾癘流亡轉徙十室九
空為人父母寧不震悼此乃天之垂誠咎實在予焚灼
于懷夙夜增懼當寧興歎遂命使臣乘驛撫巡便宜救
恤減上供饋運發諸道倉儲免積歲之逋租蠲逐年之
常貢尚思災疫之後閭里未安頃更申明用示憂軫應
揚潤廬壽滁和宣楚濠泗光宿等州其間或貞元以來
舊欠逃移後闕額錢物均攤見在入戶頻年災荒無可

徵納宜特放三年待稍完復却即令依一作仍舊或逋懸

錢物斛斗數內先已放免度支却徵收者宜委本司細
詳元勅磨勘如合放免不得追徵或先因水旱賑貸欠
常平義倉斛斗若終不可徵收亦宜放免或今年合徵
兩稅錢物量百姓疾疫處各委逐州準分數於上供留
州留使三色錢內均攤放免或收管諸色逋懸錢物等
年月深遠但掛簿書空務追徵益生勞擾宜委有司速
勘會了絕蠲放不得留為應在以資奸蠹之徒其濠泗

宿三州大中六年以前所在逋懸宜亦放免或以常平義倉斛斗賑恤者宜委本司收破其賑貸者即待秋熟填納其所減上供運米及州縣諸色斛斗等已令減價糴貸救接百姓用止翔貴以濟周貧或每年進奉茜草藥物紵練貢布等亦宜條流節級停減已前諸色應蠲免節目等或已行勅令或見勒條流並委中書門下各令本州及本司速准此處分仍具各分析聞奏所有諸道放免事例宜委州縣於鄉村要路一一榜示遍令聞

閻分明知悉又以數道疾疫百姓流亡永言宵旰之勤
豈務珍華之貢其淮南宣歙浙西三道今年賀冬及來
年賀正所進奉金銀錢帛宜特放免均融仍各委本道
觀察使據所放均融貸貧下戶填納稅租其逃亡戶如
賑恤使有所不該者亦以此便宜濟助務令蘇息又江
淮數州水旱相繼安南一境寇擾初寧公用之間必常
虛竭但緣及時錫賚遣使臣其淮南宣潤安南等四
道今年冬衣使本道合與常例人事物等亦宜權停於

戲天災流行自古未免屬在牧宰為吾撫安豈無惠育
之方以濟凋殘之弊如或守法不謹吏緣為奸紀律乖

訛刑罰

一作
法

踰濫重繫者因循不省逮捕者追擾滋多

或征賦不均或徵科無筭有一於此重困吾人即何以
消弭災譴用康疲瘵宜委所在長吏慎恤刑獄疏決囚
徒必務躬親俾無冤滯檢轄暴吏懲殿慢官寬常賦之
征罷不急之務詳求利病悉以奏陳顯佇良規用副憂
寄苟不遵詔旨尚務侵欺必正刑書義無容貸宣示中

外宜諒予懷主者施行

大中九年七月十三日

一作皆唐大詔令

文苑英華卷四百三十六

欽定四庫全書

文苑英華卷四百三十七 宋 李昉等 編

德音四

招撫德音

長慶元年德音

詔令作討鎮州
王庭湊德音

元 稹

門下朕嘗讀玄元書至於佳兵者是樂殺人因念小孩
名之逮于羈州不三十年不能為成人豈忍以一朝之
忿驅而殺之然而田弘正首以六州之衆歸於朝廷開

先帝之雄圖變河朔之舊俗除去苛暴昭宣惠和愛人
如身養士如子拊循教訓必以忠孝為先是以魏之師
徒一年而知恩二年而知禮三年而相與讓於道矣故
南征淮蔡東伐青齊北定趙地元勲茂績皆自魏師肆
我憲宗付之心膂人則輔弼出則藩宣推誠不疑近實
無比顧朕小子獲受丕圖嗣守不遑何暇恢復而承元
請覲冀部擇才苟非勲賢不敢輕授是用咨我元老臨
於是邦而又寵諸將以懋官加三軍以厚賜賞集作復其

租入惠彼烝黎於此一方之人可謂無有不至而鴟音
未革狼顧猶存忍害忠良恣為殘賊臨軒震悼撫几驚
嗟天乎不仁一至於此朕下為君父上奉祖宗毀舟楫
於鯨鯢陷股肱於蛇豕尚欲因循忍耻僂佻偷安非惟
傷心於田氏之子孫亦將何顏謁先帝之陵廟人神共
憤卿士協謀咸願誅夷用申寃痛便合興師進討以剪
奸兇尚念一軍之中豈無義勇倉卒變動必非衆謀苟
得其魁餘復何罪

集作苟得罪人具餘何過

宜令魏博橫海昭義河

東義武等軍各出全軍以臨界首仍各飛書檄具諭朝
旨如王庭湊能執首謀為亂扇動三軍者送赴隣道或

就鎮州處置然後束身歸朝必當升

一作起

獎授三品正

員官並與實封二

一作五

百戶其餘三軍將士一切不問

其中大將等或有能相喻勸翻然改圖者各隨事跡便

當

集當作如

寵擢如王庭湊仍遂迷不寤諸道宜便進軍以

時剪滅苟不得已至於用師其有效忠則宜懸賞如有

能梟斬兇渠者先是六品以下官宜與三品正員先是

五品以上官節級升進仍與實封三百戶庄宅各一區

錢二萬貫以一州歸順者便與當州刺史仍賜實封二

百戶如先是本州刺史以一州歸順者升集作超三資與

官仍賜實封三百戶以一縣歸順者升一作超兩資與官

仍賜實封一百戶如有能率所管兵馬及一作并以城來

降者並升一作超三資與官仍賜實封一百戶賜錢一

萬貫以身降者亦與轉改仍賜錢帛應付行營將士如

有能梟斬兇渠者亦准前例處分其有城鎮將士百姓

等守節拒賊身死王事者各委長吏優給其家仍具事

跡聞奏當加褒贈其有潛謀誅斬渠魁被其屠戮者宜

一作

便加追贈并賜錢帛仍與一子官諸軍所至不得

妄加殺戮及焚燒廬舍掠奪資產并有拘執以為俘馘

其管內州縣有能自置義營堡柵王師所至能相率來

歸各加酌獎時當秋候務切農功近界之人懼廢耕織

應緣軍務所湏並不得干擾百姓如要車牛夫役及工

匠之類並宜和僱湏各情願仍優給價錢賊平之後應

立功將士並與升資改官節級賜物其長行官健歸降

者亦當優厚褒賞幽陵變擾誠為亂常以其旁及

詔令
作害

賓寮有異上品台鉉較其輕重示以招攜尚開迷復之

門用廣自新之路如聞賊中文牒妄作異端皆云

一作
指

朝廷徵兵欲戍邊塞此皆狂詐扇動人心況今邊上甲

兵足以備禦欲令悉知

一作
委

故重宣明仍委所在即時

節將一作以此告諭昔者堯舜之俗比屋可封虞芮之人讓

畔可感仁義則水火可蹈忠信則蠻貊可行由是言之

亦在化之而已逮我理長何其遠哉豈朕之滿假荒寧
自聖而不可教耶將朝之魁梧骨鯁自持而莫我念耶
二者之來皆朕不敏內省終夕其心浩一作歎然於戲封

域之中干戈作矣廊廟罇俎無忘弭寧布告朕懷以頌

良畫主者施行

八月十四日

長慶三年德音

一作破汴州李亦勅

編制

勅理天下者務安於

一作於安

遠邇致康濟者資懷於

一作於懷

兆人朕統馭萬邦式敷王度任藩方以俾乂冀干戈之

載戰虔恭惕勵

一作厲

未始暫忘推予是心布及中外昨

者夷門逆將遽遂興師

一作夷門
帥遂將興師

蒼皇變生士庶無

告逆賊李齊驅掠忍害流離毒痛在浚之郊若鼎將爨

逼脅我軍士盜竊我戈鋌驅馳外坳敢肆蜂蠆朕所以

丕降明命未即誅夷

一作未
行天誅

容其革心以俟迷復蓋以

一方軫念三面開羅將弘愛物之私用表好生之施而

鷄音恣醜狼顧憑兇危巢已焚禽息猶若光顏韓克曹

華智興等感激忠勇揮戈誓師雷奮鼓旗所向風靡逆

黨穢殄郊原霧清熊羆之師漸及摩壘夫疾風斯來而
勁草方辨熾火將燎而良金益明果聞義烈之臣奮起
轅門之內一揮斬首三令無喧巖城洞開以候來師永
言忠效是賜寵章其梟斬逆賊李宥宣武軍都知兵馬
使李質已從別勅處分忠武充海汝寧鄭滑等軍將士
等感主帥之忠誠忘身赴敵視寇仇而忿嫉決命爭登
高承簡以睢陽一郡之師當蛇豕奔衝之勢咸能勦其
醜類如刈草菅各振軍聲用宣武畧其忠武充海汝寧

鄭滑應赴行營及宋州將士等並節級各有賞物已別

處分支遣

一作給

委本軍據功勞額例給散歸還之時仍

加宴勞朕念彼無辜墜茲塗炭橫為凶險驅脅傷夷其

汴州管內州縣官吏軍鎮將健及諸色職掌人等皆罹

脅汙自拔無由撫事量情亦可矜恕除同惡巨蠹者其

餘一切不問仍加榜示如或妄有恐嚇言告者科其反

坐之罪干戈暫興里閭必害眷言農畝是廢耕桑其汴

宋鄭三州罹此兇逆士馬屯集供給

一作繫

併繫雖事乃

旬

一作
徇

時而人亦勞止予懷軫念豈忘憂矜其三州府

一作
界

內有兵馬所到縣百姓或被驚擾處宜於今年秋

稅內三分量放免一分仍委州縣長吏切加綏撫其賊
中雜差點子弟夫役並宜放還鄉里俾安生業其中有
不能自存者量事優恤應百姓中有被分外無名賦歛
者並當時勒停義士忠臣見於死節賞功褒美冀及傷
魂惠恤其孤庶明報効官軍有陣亡將士等并李宥為
亂已來有潛謀孝順誠節可嘉并因此遇害者並委本

道一作軍審勘具名銜事跡申奏當與甄獎及加褒贈仍

令本軍優賞一作給其家三年不停衣糧并委所在州縣

速於收葬量事致祭其將士有因戰陣傷損尤甚以至

一作致殘廢者各委本軍加厚優恤仍勿停解掩骼埋胔

國之令典逼於兇醜誠可傷嗟念其本亦吾人蓋亦事

非獲已經戰陣處所有賊中遺骸並委所在州縣隨時

收瘞勿令暴露於戲弔伐之道予遵格言靖寇安人豈

忘終日朕載橐弓矢思保黎元而雨露所均動植所繫

一夫竊歎朕每興懷况茲浚郊都邑之會所以慎擇將帥期於乂安今寇孽已清封壤寧息師之所處用軫予衷將申宥恤之恩庶息瘡痍之後布告中外咸使聞知

八月二十五日

一作皆唐大詔令

叙用勲舊武臣德音

勅朕聞昭德示威先王所以用武禁暴夷難後代安能去兵故文德誕敷武備宣耀外以環禦四海內以底靖中原則軍旅之制有經師律之能必表朕慕承鴻業虔

奉丕圖宵分永懷何以康濟豈獨鼓輦有感方思將帥
之臣征伐為心乃寵干戈之士况文武並用古之格言
勲舊不酬勞者何勸惟我高祖太宗以晉陽之旅平一
海內肅宗以靈武之衆收復二京代宗有郊郊元從之
臣德宗有奉天戡難之士每念勲伐無忘寢懷如聞近
日武班之中淹滯頗久雖負才畧無由足一作是明又
有諸道薦送大將或隨節度歸朝自今已後宜令神策
大將軍軍使及南衙常叅武官各具由歷授官年月前

後功績

一作勲

牒送中書門下若勲伐素高人才特異者

候有相當用處即具聞奏量加獎擢其常叅武官資考

深久未得遷轉者准具員年月與改轉不得令有滯淹

其先授文官者亦宜準此使幕賓僚皆有年限

一作代

改

轉軍府

一作將

大將豈可獨不序遷自今已後諸道節度

都團練經畧等使下各隨本處是大將名目已曾授監

察已上官者並限三周年量與改轉如有功效合非時

與改轉者不在此限其職名是兵馬使都虞候押衙已

上前後並未曾奏官者亦仰量績効奏官轅門委質營

壘分師有役干戈無由耕稼

一作稼

况自天寶已後屯兵

七十餘年皆成父子之軍不習農桑之業一朝罷歸隴
畝頓絕衣糧言念饑寒深用嗟憫應天下節度都團練

防禦經畧等軍所置軍數各委本道據守舊額以度一作

為定數不得輒有減省其有逃亡病死及過犯解退當

時揀擇有武力藝能者添補奮於行陣決命殞

一作損 軀

不顧危亡每嘉忠烈官健有死王事者三周年不得停

本分衣糧如有父兄弟試其武藝堪在軍中承名請

衣糧者先須收補孝本安親深惟一作惟深養老數恩惠以

慰耆年應軍將及官健有父母年及九十以上委本道

本州每至節歲量與酒麵優養守塞備邊固不可廢烟

塵既靜亭障無虞諸道舊有防秋兵馬已在邊上者自

依年限替代近者師旅屯集饋餉頗多不免於諸道留

州留使錢內每貫量留三百文以充國用幽鎮既已洗

雪供費亦漸有常其河北諸道及山一作河東兗鄆淄青

汴宋陳許徐泗澤潞河陽鄭滑等道并邊上諸鎮並不

用抽

一作尊

刁斗晨嚴烽烟夜謹勤勞沙塞寒苦邊陲其

沿邊鎮戍降子等並委所管節度及城鎮使量與優賞

仍與文番上交使其勞逸得均使命往來本於傳達軍

期緊急遂至繁多非惟郵傳不供抑亦號令難一自今

已後應緣山東行營兵馬未歸本道已來進退事機並

宜轉委節度使仍仰條疏舊弊一一奏聞除事關迫切

須遣專使外其餘書詔文牒一切分付度支入遞發遣

制使中使到諸道行營不得輒受人事錢帛及行非理
鞭扑當加訪察義不優容權完之設誠為救弊隨方適
變所貴使人其河南河北鹽法宜委鹽鐵使與節度使
審度會計商量務以便人為法閱習土宜則通吏理既
因試效可驗政能應河北諸道宜委觀察使訪察管內
見攝官中如有實一作或字清強有才能課績者具前後所
攝年月并事跡聞奏當與正一作改授從政之方必原風
俗視人相土乃合所宜弛張在達於無私法令所期於

不擾

一作
挽

應河北諸道并鄆兗青等州道應有新舊科

條有不便於人不宜於俗者委宣慰使與所在長吏商量廢置務從人欲於戲朕戴天子人操執重器不以四海之富而恃其力每以百姓為念而兢于心慮文教之未敷思武畧之多闕所以輟食當宁求衣未明揣摩萬幾寧止三省頃以馭一作御宇之歲藩方又安委于廟謀以輯軍政而有司不達苟以惜費為心致滋停減之名無裨毫釐之用使軍中老幼愁歎無歸朕博聽羣言用

革前弊舉其指

一作音

要冀協羣

一作人

情庶乎侯伯列城

與我師旅勵精撫士用副憂勤中外布宣明知朕意

長慶

三年三月十日

一作皆唐大詔令

長慶三年德音

一作赦鎮州德音

門下仲尼有言詩云執轡如組審此言可以為天下也

蓋為聖人組脩其身而成文於彼故伯益贊禹則曰滿

招損謙受益所以服有苗夏后啟亦云吾德未至教未

善故能克有扈苟齊俗有禮化人以躬尚可感於神明

柔於蠻貊况累聖遺教昇平舊風堅金在鎔惟人之所
鑄猛獸在押由人之所馴因而撫之敢忘前訓朕以菲
德纂承鴻緒屬先皇掃刷中寓康濟兆人八表晏然五
兵咸息常兢懷於繼述思致理於和平豈以樂戰為心
佳兵在念而鎮州以承宗云亡自歸誠款幽州以劉總
懇志願釋兵符相繼來同無思不服非朕勤於遠畧力
以致之亦既綏柔咸如霈澤不愛金帛以惠我戎士不
恡爵賞以寵其偏裨復以一二台臣常推謹厚一作庶

將朕志以靖方隅而佚於既安莫能思患曾未累月旋

聞叛離朕亦欲因其人心命將興師顧念弘正盡忠先

朝身嬰陷

一作伐

害受於

一作家受

屠戮為之元首能不痛心

是用下制先申告諭求其兇惡冀釋幽冤仍令四面節

制各守封境不欲遽加誅討所望自效忠誠而將士等

懼罪以相保王庭湊為衆所逼固其封壤捍以兵鋒每

聞戰爭永念黎庶為之君父又何忍乎是用輟食忘寢

晝夜萬慮恭惟烈祖之訓必用兼愛之心務以安人為

國本不以窮武為威力顧子寡昧敢忘遵承為追念而

一作

興師已極君臣之分為

一作

軫憂而捨罪豈非帝

王之道况王庭湊倉卒之際固

一作本

非始謀接之以恩

榮自當展其志義委之以戎鎮必冀效於勲庸禍福無

門行之則是弛張在我用亦何常苟推信誠便保忠順

苟得其衆孰非吾人擢而任用

一作

之式示光

一作榮

寵宜

特原雪仍授檢校右散騎常侍兼鎮州大都督府長史

御史大夫充成德軍節度鎮冀深趙等州觀察處置等

使應成德軍將士官爵

一作吏

一切依舊待之如初仍令

兵部侍郎韓愈充宣慰使於戲朕於彼三軍惠非不至於彼闔境恩非不周今引寬大之典以應陽和之令使離散者見親愛之樂暴露者歸室家之安各宜感悅以就寧泰布告中外體朕意焉主者施行

一作皆唐大詔令

朝元御正殿德音

勅朕以寡昧獲守重器兢勵

一作屬

畏惕于茲五年皇王

之事罔不脩備而大典有闕舉而補一作行之粵以元正

朝一作御于正殿百辟咸序萬方來庭思欲推至仁以布

和奉天時以一作而施令况上玄貽慶列聖垂休輔于予

躬以致寧復思與臣庶同被慶靈俾茲囚隸亦洽流澤

自今年正月一日已前犯死罪者並降從流流罪以下

遞減一等其故殺官典犯贓犯十惡者並不在降等之

列左降官未曾經量移者與量移近處流人各據本年

限與減一年如本限止一年者放還朝賀之禮國之盛

事肅恭班位敷贊威儀俾申慶典以示弘普其應元日

緣朝賀行事官三品以上賜爵一級四品以下加一階

文武常叅官并六品以下及宗子應陪臣者并諸道賀

正使各賜勲一轉先已至上柱國者任迴與周親諸藩

陪位賜物有差今兵革甫寧典常未一作粗舉雖慙至理

可謂小康唯水旱猶虞黎元一作熹黎重困公私蓄積頗有

未豐宜令諸道觀察使刺史各具當處利害其有弊事

可革有便一作益於人者并言何術可以漸致富庶附驛

以聞亦不用專使詣闕以為煩費其封畿之內百姓利

病令

一作委

京兆河南尹具以條奏於戲東帶立朝必咨

忠謹濟時利物式佇謨猷其文武百寮各上封事極言
得失無有所隱如有事可施行者便委中書門下量加
獎用朕以執契馭時任賢興化孜孜王道期致太和凡
在官寮宜悉此意

長慶四年
正月一日

一作皆唐大詔令

文苑英華卷四百三十七

欽定四庫全書

文苑英華卷四百三十八

宋

李昉等

編

德音五

征伐德音

伐劉闢德音

詔令作招諭
劍南諸州詔

編制

門下朕聞皇祖玄元之誠曰兵者凶器也不得已而用

之恭惟聖謀

舊唐書
作謀

常所祇服故雖

唐書
作維

文誥有所不

至誠信有所未孚姑

唐書
作始

務安人必能忍耻朕之此志

亦可明徵近者德宗皇帝舉柔遠之規授宰衡之傑詔

任作引我廟勝遂康巴庸故得南詔入貢西戎寢患績成

始著詔今元臣喪亡劉闢乘此變故坐邀符節朕以枉

成唐書作命者雖乖於理禮從權使者所冀於輯寧竟

違卿士之謀遂允僥求之志朕之於闢恩亦弘矣曾不

知負牛羊之力飽則逾兕畜梟獍之心馴之益悖狂惑

士伍圍逼詔今梓州誘陷戎臣塞絕劍路師徒所至燒

掠唐書無遺干紀之辜擢髮難數朕為人司牧育唐書

作切

作字

彼黎元在

詔令
作如

關之罪非朕敢舍是用協羣率之謀除

百姓之害永清妖孽底定一方伐罪弔民於是乎在其

逆賊劉闢在身官爵並宜削除今王師鼓行尋濟天險

梓潼成守已解攻圍芒外注營坐看撲滅其西川將士

如有乘此聲勢翻然改圖梟斬克魁以効誠節者必當

特加爵秩高位重賞朕無愛焉其餘將吏等但能去逆

效順以所領歸降者超三資授官以一身降者亦與改

轉長行官健歸順者並與叙錄仍加賞給其西川管內

刺史等當其阻亂孰克靜科雖章表未通而衷誠可見
今能歸款亦仍舊職如或乘機立效因事建功並特加
賞務極優厚夫皇王之道弔伐所加義在除殘誠非樂
戰故脅從罔理必誠於徂征焚溺是哀俾興於僭怨禁
暴止亂其在茲乎况有跡陷克徒心非黨惡歸我無路
遂至淪胥言念斯流尤深軫惻所以明諭將帥罪止渠
魁其餘染汙一切勿問布告遐邇咸懷朕意

詔令作宜
悉朕懷元

和三年
三月

詔討鎮州王承宗德音

門下天地以太和

一作德

煦物而高秋厲肅殺之威皇帝

以至道育人而前王設誅討

一作罰

之典於是乎有版泉

之役有舟浦之師

一作威

情豈佳兵義存禁暴朕嗣膺寶

歷於茲五年以惕厲居於人上以仁恕撫于天下恭惟

文祖之訓敢以武功為先昨者吳蜀興妖師徒獻捷朕

每念陳原野之衆行鈇鉞之刑雖舉彛章頗有慚德蓋

不獲已豈樂於斯王承宗頃在苦廬潛窺戎鎮而內外

以事君之禮將

唐書作
逆非

而必誅分土之義專則有辟朕

念其先祖常有茂勲貸以私恩抑於公議使臣旁午以
告諭孽童俯伏以陳誠順獻兩州期無二事朕欲收其
後效用以曲全授節制於舊疆齒勲賢於列位况德棣
本非成德所管昌朝又是承宗懿親俾撫近鄰斯誠厚
澤外雖兩鎮中實一家而承宗象恭懷奸宵貌稔禍欺
裴武於得位之後縲昌朝於受命之中豺狼之心飽之
而愈發梟獍之性養之而益生唐書
作克加以表疏之間悖

慢斯甚神祇所

以一字

不捨

祐一作

天地所

以一字

不容智士

所以奮懷義夫所以興憤式遏亂畧期於無刑龔行天

罰示于有制其諸道諸軍進討兵馬已從別勅

制一作

處

分王承宗在身官爵並宜削奪其鎮州管下

內一作

將士

官吏等久在戎行未知朝典或陷於邪說或迫以克威

雖有忠誠無由自達但能效順即是王人上惟自新

一作

豈止當加寵渥其有能回戈殄

弭一作

寇因事立功特有

褒崇不拘資次貴爵厚祿設之而高懸實封名藩待之

以懋賞其以一州歸順者便與當州刺史仍賜賞二百戶如先是刺史以州歸順者超三資與官仍賜實封三百戶如以一縣歸順者超兩資與官賜實封一百戶其

長行官健歸降

一作順

者亦當

一作當與

優厚褒賞如將校內

有翻然改圖梟斬元惡者授以不次之位寵以殊常之封王承宗如能革心悔過束身歸朝待之如初一切不

問仍賜舊官爵別加寵授

九字一作仍準舊官爵寵授

於戲王者之

師蓋除於暴亂止戈之武豈願於傷殘而承宗不能負

荷舊勲祇承新命自貽其咎寧怨於天亟一作此興戎

至於用鉞固非素意用歎于懷百辟萬方宜諒朕志宣

示中外咸使聞知

元和四年十一月十日

一作皆唐大詔令

討王庭湊德音

一作詔

門下雷霆雪霜上天所以成物明罰勅法聖人垂之易
象豈陽春不可以獨化將輔理固在於威刑乎則遏亂
禁非法天齊俗諒有為而然也何則三綱五常王化之
正本彰善癉惡國經之大防君人者苟不提此柄以示

天下是納人於陷穽導俗於豺狼而欲豕固人安上和
下順猶北轅而適楚也李同撓罪暴寰宇告之則悖寵
之益凌亂君臣父子之紀綱棄覆育生成之恩義則綏
討之命蓋不得已焉而王庭湊為一作我藩臣久膺寵

命致爵位於擾叛之際齊恩澤於忠義之倫贖過圖功
宜百羣帥而首扇同撓使起自墨線黨惡之心劇於武
兕負德之醜逾于一作梟獍驅忠義之旅以授克渠率
悅順之人以侵鄰壤藩方統帥飛疏互來朝右公卿懇

章繼奏皆期鳴鼓問罪奮戈啟行朕道希包荒志在含

垢多端曲護大開坦途諭之使致竒功告之將酬重位

顯招密示抑義降心繼馳信臣累諭深旨而傲狠彌甚

克肆不悛飾

刑一作

惡言於布

報一作

章資盜糧於狡寇拘

四隣忠告之使堅一境代襲之謀與逆豎為輔車絕舊

歡於姻好屢有降卒備驗奸蹤潛軍入援

一作處

德棣縱

燎以焚瀛莫河東易定被毒騷然憲誠從諫見侵相繼

加以猜戮無辜安忍逞欲有族坑屋誅之令極削下僭

上之圖井邑啣寃道路以目自頃冀其迷復未議加刑但令閉境猶希補過而乃大舉將卒期覆定州取怒神祇迎風瓦解稔慝構亂前古罕見若尚為包容則孰分逆順其王庭湊在身官爵並宜削奪應諸道州鎮接界處各宜遂便攻討其鎮州將士如有梟斬王庭湊者先是六品以下官者便授三品正員官其先是五品以上官者節級超獎仍賜庄田各一區錢二萬貫兼授以上地及賜實封如有能率所管兵馬以州郡來降者超三

資與官仍便正授刺史賜錢一萬貫以城鎮來降者超
兩資與官仍賜錢五千貫如先未有官者即特授三品
四品官如以一身降者亦與改轉仍賜錢帛其諸道將
士有因立功能梟斬庭湊者亦准前例處分成德一軍
山東所賴扼制徑險控東河防武俊之拯橫流承元之
變舊俗言念誠節何日可忘智知父兄見劫妻子為質
愍惻之志朝夕在懷當無疑謀自致恩外昔光武存大
信而捨朱鮪魏祖推至誠而納張繡非無故事朕不食

言如庭湊自能束身歸朝並與洗雪若執迷安禍罪止
其身其餘脅汙一切不問縱有跡涉逆節事出一時劫
於克威並從寬宥四州之內如有謀為向順屈於垂成
家族無辜殘酷所及者宜優加追贈并賜錢帛其有子
孫得脫免委四面節度切加搜訪當議與官四州管內
百姓久困冤害橫罹挾制念同赤子莫匪吾人諸軍所
次不得妄加殺戮并焚蕪廬舍暴掠財產及有拘繫以
為纍囚四州百姓久廢生業如有歸投各宜存撫老幼

丁壯量加優恤仍給與空閒田宅使之如歸事平之後
願還本貫亦聽於戲原野陳師雖前王之不免于戈屢
動諒菲德之所興孤我宿尚良深憮然咨爾輔弼之臣
暨于藩守羣帥爾尚悉乃忠力匡予寡昧經遠猷以端
理本恢上畧以速戎功緝庶政以康中邦明大教以昭
昧俗宣示內外俾知朕懷

太和元年九月十一日

一作皆唐大詔令

破李同攬德音

勅王者誅暴亂弔傷殘明賞報功拯弊綏衆蓋為邦之
大紀也李同擅頃自先朝擅謀專土輒抗成命私行墨
綵暨朕臨御實思含垢授之以充海諭之以詔書使臣
相望克志自若而更挺妖結黨劫衆沮兵毒流無辜害
被闔境繇是藩臣潛詔令瀝懇卿士獻規至于興戈諒非
得已自元戎環壤王旅進攻卯窺危巢颺振槁葉動必
乘彼詔令機作於會退皆扼其咽喉故戴義啟入郛之殊庸
李祐展下城之勝略累稔逋寇一朝削平此誠天人合

符中外協力永言勲效無忘晤思其戴義及李祐應加爵命并幽州及齊德兩道在營立功將士各有賞賜並已從別勅處分其賜物仍委度支逐便速與支送仍命使臣分往宣諭各於當處厚加宴勞其立功軍將未經寵授者委戴義李祐即差次等第速具聞奏即有甄獎用答勲勤李同撓力屈計窮方圖轉禍朕好生存信初議貸刑而面縛在途陰懷狡計夜縱火號潛誘家僮更謀網漏自速梟獻憫彼克魁坐沉家族顧茲貽感載軫

于懷其母孫氏妻崔氏併男及家口等並宜特從寬宥
令於湖南管內諸州有空閒處安置其歸降將卒不涉
翻覆者與戴義李祐審細勘責各與衣糧分配驅使其
滄景等州將士有謀執克黨竟遭誅夷或雖被劫致能
全名節者並委李祐按實條奏量加贈錄其滄景德棣
等四州百姓有是近日被賊點名團結者並放歸營農
除非同惡相濟以死拒命者餘一切不問四州百姓久
陷汙俗每懼威虐莫匪吾人今既脫難當施德令並宜

給復一年不能自存者量給種食其刺史縣令仍委中書門下慎擇循良俾加存撫應諸將校自經戰伐或致死亡載念捐軀良深憫歎並委戴義李祐審加勘定具名銜事跡申奏即與褒贈其長行官健陣亡者並令所在長吏量與收葬同為祭酌其有家口在者各委本軍優恤仍三年無絕糧賜其有因中矢石遂至殘廢者各委本軍厚加存養仍給衣糧終身勿絕勅旨有未該者委戴義李祐比類更作條件奏聞其昭義義武等軍行

營在賊境者比相犄角皆有功勤各別有處分於戲整
師除害義切於安人撫俗策勲道存於布德爰申彛典

且又新邦咨爾多士宜悉朕意

太和三年五月十三日

討鳳翔鄭注德音

門下王者之御天下也推至誠以格物委大信以任人
故能邦家用寧上下交感所以詔爵祿而不恡待臣下
而無疑豈謂變起股肱患生毗倚寤寐興歎難弭于懷
且負德背恩干紀悖戾而古今未有能濟者蓋人神之

所不容逆賊鄭注氣本克狂志懷奸逆害時靈政卜射

張皇行詐而徑術

一作緣術

多端黷貨而谿壑難滿情惟點

白口可鑠金罔冒包藏為惡滋甚朕處九重之內不得

備聞擢於妄庸驟列華貫入司喉舌出總爪牙惟務廢

忘不思報國棄生成之恩義亂君臣之紀綱稔惡興妖

前古未有罪同梟獍法在必誅况詔旨既追已離城堞

一作邑險謀且敗中路遽迴又逆遷使人迎接逆賊李訓


稽之國法豈逭常刑其鄭注在身所有官爵並宜削奪

將士如有能奮揚義勇執戮渠魁者先是六品已下官者便授三品正員官其先是五品已上官者節級超獎仍賜庄田各一區錢二萬貫如有能率所管兵馬以州郡來降者超三資與官便正授岳牧仍賜錢帛諸道將士雖各守疆土非惟進功如被侵掩因事立効者亦准前例節級處分賊如能知義悔過束身歸朝並與洗雪仍加罷獎幽明可鑑朕不食言但有款誠自通即委諸道與奏若不能悛悟自取誅夷罪止一身其餘脅汙一

切不問其有迫於克威曾著失節顧存家族事出權時
待其平寧並從寬宥將士如有潛謀立功効順被其屠
戮並優加追贈并賜錢帛仍與一子官應州縣百姓陷
在暴虐莫保性命誠可哀矜諸軍環境不得妄加殺戮
并焚毀廬舍掠奪資產及有拘執以為俘囚如有歸投
者委諸道據丁壯老弱量加優恤仍給與空閒田地便
就生產事平之後願歸本貫者亦聽鳳翔一軍素著忠
義每臨霜雪之際實見松筠之心凜然義風簡在朕志

其大將及軍士並宜坦懷自處勿以為憂兵革既平寵
待如故鄭注初到鎮日間有優賞軍士常事不足為疑
州縣百姓亦當優給復勉於自效以保令圖於戲佳兵
者聖祖之所戒文德者前哲之所崇肆予寡昧敢忘丕
教然以齊四方者號令立人紀者君臣斯言苟違大倫
安設今則絕其奔軼示以申嚴懷柔誠貴於止戈執惡
何慙於用武布告中外咸知朕意一作懷

一作皆唐大詔令



文苑英華卷四百三十八

欽定四庫全書

集部

文苑英華卷四百

三十九至
四十一

詳校官庶吉士臣柳邁祖

助教臣常循履勛

總校官進士臣朱鈺

校對官中書臣鮑之鍾

謄錄監生臣黃譽

欽定四庫全書

文苑英華卷四百三十九

宋 李昉等 編

德音六

誅罪德音

破党先

一作平
党項

德音

編制

門下冒法干紀豈恨於華夷伐罪弔人固資於典訓朕
端拱御寓六年于茲兢兢業業不敢荒怠一作常恐一
怠荒
物失所羣心靡寧旰食宵衣思底于道屬者以党羌恣

為侵叛尤苦農商朕為人父母豈無憫惻雖傷財害物
非朕躬之願而禁暴定功實武經之要是以爰興師旅
龔行天討而克渠稔惡稽曠歲時師宿旣勤物力將屈
賴宗社儲祉中外叶心大搜妖巢盪定關隴誠殫財而
凋力亦暫費而永寧今則軍功已成制置將就息戈解
甲固在及時縱捨一作捨罪緩刑所宜布澤南山党項為惡
多年化諭不悛頗為邊患近興兵士經歲討除拒官軍
者悉就誅擒懼法令者皆從逃竄大開湯網已施去殺

之仁遠並堯年寧限可封之屋今聞殘寇無所依歸皆
是王人豈忘惻憫其南山党項已出山者或聞逼於饑
乏猶行劫奪平夏不容無處居住今委李福且先遣蕃
官安存招誘令就夏銀界內指一空間田地居住所有
從前掛涉惡跡者今一切不問唯再犯疆界劫一作入
山林或不從指揮即召募平夏党項精銳者討逐議不
容稔如能革心向化願同平夏即湏投一作誠獻款跡
効分明撫馭之間便同赤子如有屈事即任於本鎮投

狀論理仍各令本鎮遣了事軍將安存平夏党項素聞
為善自旬月以來發使撫安尤見忠順一如指揮便不
猖狂各守生業自茲必永戴恩信長被華風或聞從前
帥臣多懷貪尅部落好馬悉被誅求無故殺傷致令怨
恨從今已後必當精選清廉將帥撫馭羗戎明下詔條
漸令知悉靈鹽夏州邠寧廊坊四道官吏自用兵已來
責辦公事亦甚辛勤軍將皆已得官文吏具名聞奏有
官者與依資轉遷無官差攝者當與正官仍具差攝年

月申奏直湏公當不得轉授囑託如是將帥親情亦湏具言四道百姓徵歛不時差役至多疲瘵亦甚或聞屋宇被賊焚燒至于桑麻亦遭砍伐生業既失湏加安存宜各給復三年其有無屋可居無牛可種者委長吏量事接借一一奏聞仍湏早設法招攜令各歸復勿令豪富便占產業為生自用兵已來諸道應徵發之處所有將健或没于鋒刃或身被重瘡一作瘡痕雖經褒贈及曾優恤委本道更加存撫或自因廢疾不任在公者終身不

停衣糧如情愿回與子孫兄弟甥姪者便與補替應討

伐党項諸道在行營將士已頒賞賜俟

一作候

邊上制置有

叙績節級放還仍委本道叙錄具名聞奏當與甄獎自

用兵已來京師與鄜坊邠寧兩道接界及當路諸縣差

役繁併物力凋殘若無優矜必難存立其今年夏稅錢

及青苗錢每貫量放三百文其斛斗糧量放一半仍委

京兆尹差官子細磨勘其或雖在鄉村不曾經供應者

不在准例放限仍一一條件等第聞奏如是分路處就

中更校便併者量加優恤必使均平其所放錢及斛斗
委戶部以實錢支填仍令京兆府及下諸縣散榜鄉村
要路曉示百姓務令知悉用兵以來城鎮曾遭陷沒官
健百姓因被殺傷親戚既無遺骸在野委所在長吏差
人為收拾如法埋瘞仍量事致祭應有增收城鎮添置
堡候一作戎委所在將帥擇其要害絕彼窺覷切務堅完
令可固守邊上不許以兵器於部落博易從前累有制
勅約勒非不丁寧近年因循却不遵守自今已後委所

在關津鎮鋪切加捉搦不得輒有透漏其有犯者推勘得實所在便處極法其所經過州縣關津鎮鋪節級痛加懲責義無容貸其間或情涉隱欺準所犯人處分項本是邊屯只合州縣撫馭致令一朝侵叛由于處理乖方既往不可加刑從今必行法令一作必欲行法自此之後邊上逐界皆已有制置把捉如或更有羗寇侵盜即是將帥依前貪求當先加罪於本界邊將然剪逐寇賊通商之法自古明規但使處處流行自然不煩饋運委邊

鎮宜切招引商旅盡使如歸除禁斷兵器外任以他物
於部落往來博易應緣徵兵處士馬皆効勤勞亦已各
有賞賜其本道將帥當續議量加酬獎京畿及鄜坊靈
鹽邠寧夏州并涇州鳳翔振武天德等道自用兵已來
人頗勞苦今頒德澤湏加曲恩應見禁囚徒據罪減一
等唯官典枉法犯賊及賊中有持杖劫人故殺人等不
在此限如有積年逋賦必加徵督不得者委長吏條流
聞奏准格律大功已上親及女婿外甥不許連任自用

兵已來諸道節將及長吏權宜差親表主持公事兵罷之後理當不然其三族內親並不得令主兵權及充要職如是元在本軍先充職掌者亦湏具名聞奏自用兵已來科配百姓事取濟辦多出權宜今既罷兵諸道節度防禦刺史及鎮使等不得更依前妄有科配仍令具本管侵害百姓湏釐革者作條件聞奏自党項擾亂以來所在多被攻劫白刃之下必有孝子順孫義夫節婦事跡有可稱者委所在長吏察訪優恤其家仍具名聞

奏將加旌異於戲蠻夷猾夏固有用於常刑撫馭乖方
遂致興於薄伐傷夷暴露朕實愧焉是用覃恩以慰勞
瘁布告中外咸使聞知主者施行

大中五年四月二十九日

一作皆唐大詔令

洗雪南山平夏

詔今作平夏党項

德音

勅平夏南山雖云有異源流風俗本實不殊我國家累
聖已來許居內地久奉聲教亦立功勞朝廷撫綏常布
恩信近者邊陲之帥制御乖方遂有凶悍之徒不率父

兄之教或侵暴州鎮或攻掠道途告諭罔悛猖狂頗甚朕君臨區寓深念黎元凡曰含生皆同赤子但欲為人除害固非黷武佳兵每覩殺傷深多憫惻是以去年洗

詔今作特

雪平夏驅除南山及聞窮困無歸復有懷來之意

遂令白敏中李安業分統諸軍先示招攜仍加訓練但知非則赦免不得已則誅鋤王者之師義實在此近得敏中狀申南山盡願歸降瀝懇輸誠惟思展効請般運糧料乞要保一封疆閱其奏章深愜朕意比者或有剽

劫必推南山南山或有寇攘亦指平夏既相非斥互說
短長終難辨明祇益仇怨今則並從洗雪咸許自新但
能各務安全遞相勸勉保其生業絕彼侵踰從前所有
愆違自此一切不問惟鹽州深居沙塞土之農桑軍士

運

詔令
作依

糧須通商旅沿路堡柵事須修營今委李安業

依朝廷制置差兵建築防守尤恐部落心懷疑慮委令
李安業駐軍塞門朕之屈法從人斯為極矣若執迷不
反干犯國章後悔難追深宜自省

大中五年
七月六日

洗滌長慶亂臣支黨德音

門下皇王之令克逆

詔令作愆

必寘於嚴誅天地之心含育

亦存乎在宥除惡務絕其根本原情必諒於親踈慮興
註誤之嫌用安反側時舉寬弘之典盡滌瑕痕追惟長
慶之初亂臣賊子之輩人神共憤覆燹不容頃以論刑
是從流竄而東宮親昵之黨亦參帷幄之謀顧偷冒以
取恩陷君父於不義必資懲創以盪奸源議法當然非
朕敢赦而曾不知過交構流言興謗道途扇惑人聽蓋

以從前搜捕未盡巢穴猶存再令根尋果獲支黨無非
近戚咸伏其辜在臣節而既虧於國章而難追并已從
別勅處分除竄迹遐荒及配諸陵守當外應諸惡黨從
祖兄弟子壻妻族內外親戚門生故吏及此來別居并
從踈遠等降德音後一切不問諸司諸使更不用尋勘
務從寬恕俾絕憂疑惟先推鞠得姓名合流者雖已逃
竄如獲日准前勅處分頃者屢降明詔以順人心重此
究窮蓋非獲已今則更無餘孽永絕猜嫌攄憤之志既

申懲惡之刑亦至乘春布澤大與惟新明示中外咸知

予意主者施行

大中八年正月十一日

誅逆人蘇佐明德音

勅蓋君天下者莫尚乎崇淡泊子惠困窮遵道以端本

推誠而逮

一作達

下故聖祖之誠以慈儉為寶大易明訓

垂簡易之文未有上約而下不豐欲寡而求不給朕以

眇薄遭逢內難劓君父之仇耻據億兆之哀寃有一

一作而

股肱之大臣羣卿庶士引義抗請至于再三以圖宗社

之安以答華夷之望俯從衆欲夙夜震兢思所以克己
復禮脩政安人宵興匪寧旰食勞慮夫儉過則酌之以
禮文勝則矯之以質庶乎俗登太古道洽生靈儀刑邦
家以化天下其在內宮女四字一作內庭宮人非職掌者宜放三千人
其中願嫁及歸近親者並從所便不須尋問其長春宮
總監及脩造等並依今月十三日勅處分其長春宮見
在錢及斗斛絲綿席草等約二十九萬七千五百三十
餘貫石兩領束等依前戶部收管鄆縣漢坡鳳翔駱谷

地等并宜却還府縣其教坊樂人翰林待詔醫

一作術
役

官并總監諸色職掌中冗員者共一千二百七十人並
宜停廢其總監中一百二十四人先屬諸軍並宜各歸
本司餘七百三人勒納牒身放歸本貫先供教坊衣糧
一百分廂家及諸司新加衣糧三千分並宜停給應緣
田獵鷹鷂獸犬等並宜解放除五坊加配諸鷹鷂等及
長慶已來每年常進外宣索者自今已後一切停進其
須備蒐狩要量留者宜准憲宗朝故事其今年新宣附

食度支衣糧小兒一百人並宜停罷應副別詔宣索纂
組彫鏤不在常貢者一切並停度支鹽鐵戶部及州府
百姓應供宮禁年支一物已上並准貞元中額為定度
支檢勘具元和以來加配合停色數二十日內分析聞
奏并散下州府供司各令知悉先造供禁中床榻以金
筐瑟瑟雜寶鈿真珠碼碯裝飾宜停造東頭御馬坊毬
場宜却還左龍武軍其殿及亭子令所司毀拆收掠餘
舍並賜龍武軍收管應行從處張設不得用花蠟結綵

華飾今年已來諸道所進音聲女兒

一作人

各賜尺

一作束

帛放歸應城外墳墓先開斲道路以備行幸處宜令兩軍及府縣曉示百姓任其脩塞其大逆魁首蘇佐明王加憲石定寬閭惟直及因亮賊奸計遂與同謀人劉克

明田務澄許文端等汙瀆無赦梟獍與倫各已處斬並

籍沒祆

一作妖

妄人僧惟真正簡道士趙歸真楊冲虛方

士李元戢等並咸假託以醫方疑衆挾姦

十一字或作假如下筮或

托以醫方疑衆扶邪矯誣干禁並從流竄以清京師其情非姦謀

一作

跡涉註誤者自今已後一切不問克徒既殄寰宇

佇康載舉令猷用弘庶慎

一作續

於戲昔漢文惜十家之

產而天下又我太宗文皇帝勤四海之理而帝業昌暨
于列聖罔不承式而歲代滋久訛弊以生仍委艱故未
遑改作朕祇荷神器重臻大寧將至躬以立訓奚取新
而革故咨爾百辟卿士外服侯衛其諭朕志永堅乃心
無逞欲而敗度自底身于不類率是敬典用孚于休布

告中外咸使知悉

開成二年
六月八日

一作皆舊唐書文宗紀

誅張韶德音

編制詔今作
韋處厚

勅朕祇荷大構屬當冲眇九廟之嚴因子以輕重四海
之大由我而慘舒每懷推誠不敢自用大布利澤嘉聞
讜言庶無愆尤以享重負尚慮一作
豈虞信不及物德不動

天少一作
以懷宴安遽此致寇逆賊張韶蘇玄明等驅率

工徒劫攜白刃白晝竊發暴犯宮闈震驚朕躬近幸禁

壘即勒五營騎士七萃熊羆少命偏師統分左廣皆憑

忠奮發賈勇爭前自申及酉撲滅皆盡斯實上玄降監

宗社垂休愍予冲人俾無顛覆其兩軍立功將士已節

給優賞諸將校是

一作其

日部領軍士者委有司即條流

甄獎具名聞奏其逆賊親屬除同居知情之外一切不

得輒更追擾尚慮

一作恐

因緣仇隙告訐平人自今日已

後縱為祆

一作有妖

黨所

一作有小

誣誤者一切許其自新更

不須勘問於戲秦皇車碎於博浪漢高心動於柏人或

不悟而終亡或自新而流祚齊晉多難以啟國衛邢無

難而喪邦蓋緣

一作謂

憂勤則福興安肆則禍稔天其意

者警於予乎而今而後知玄貺可以德歸神器難乎力

恃咨爾股肱輔臣庶僚百辟洎方郡侯伯有位之士無

或棄吾

予一作

謂不可教其有違道傷理狗慾懷安面刺

廷攻無有隱諱成王之紹文統武帝之開高業皆蒞祚

日永

一作日久

享國歲深夫豈他哉盖大臣維之而不跌也

使朕無羞於二主者繫爾多士乎布告天下咸使聞知

長慶四年
四月三日

一作皆唐大詔令

唐書通鑑並作四月丙申誅張韶盖十七日也

英華作三日未詳

欽定四庫全書

子部
卷四百三十九

文苑英華卷四百三十九

欽定四庫全書

文苑英華卷四百四十

宋 李昉等 編

德音七

雜德音一

貸逃背征役德音

編制

門下朕祇膺靈命君臨寓縣

詔令作區宇

承凋弊之餘拯橫

流之難雖復蠲除徭賦督課耕農安集黎元與之休息

然而鯨鯢未剪四海多虞師旅荐興事不獲已及其士

卒浮情苟求逸樂憚於征役離其營伍因此逃竄潛匿
崎嶇盜竊為資規免朝夕良由勸勵不明部署失所弛
慢之責在於朕躬琴瑟不調已云變革多墜刑網情實

一作兼

軫悼宜從寬宥許以自新其義士募人有背軍逃

亡者自武德二年十月二十日以前罪無輕重皆赦除
之饑寒困弊不能自存者所在官司隨事賑給士非素
厲難以應敵設法垂憲期於不犯自今以後有背軍鎮
征役者隨即科處必無容貸宜明宣告咸使聞知

武德二年

十月

原宥代州德音

詔令作宥劉
武周餘黨詔

門下祝網泣辜章乎舊典赦過宥罪著自前經往者劉
武周竊據邊陲擁逼良善石嶺以北皆罹其弊雖復武
周奔竄寄命蕃夷而殘黨餘氛尚懷旅拒致使朔漠猶
警關塞未寧屢動干戈久違聲教代州總管定襄王大
思勤績克著安輯邊境討擊未賓率其從化朕君臨天
下義存撫育念彼凋弊若納諸隍但朔代黎元逆命日

久今雖歸附仍屢

詔令作懷

反側其代州總管府內石嶺以

北自武德四年二月二十九日以前所有愆犯罪無輕

重悉從原宥可並令安居復業勿使驚擾

武德四年二月

恤刑慶賜德音

詔令作賜孝義高年粟帛詔

門下百行之本要道唯孝一言終身恕而已矣春生夏

長寬仁

寶錄作簡詔令作裕

之令行焉齊禮道德耻格之義斯在

朕爰自幼年夙稟庭訓豈徒學聞詩禮因令匡定家國

寶錄作國家

是以提三尺之劍起一旅之師戮鯨鯢於原野

拔實錄蒸黎於塗炭雲雷締構備嘗夷險仁發於心義

作救

形於色大敵必勇匪為身謀大憝必誅志安天下太上
皇留情姑射尚想軒轅駐蹕大安使朕正居紫極顧惟
虛薄辭不獲免祇奉制詔負展當朝乃眷宮宇載懷冰
谷未明求衣乙夜忘寢靜思七政言念九功何以答上
玄之心稱嚴君之志庶欲勤恤典刑舉直錯枉允釐人
瘼親賢用能拯濟困窮抑損澆偽開直言之路廣不諱
之門聞所未聞日慎一日望人皆見德變於志道若一

物失所一人有惡則朕躬之責

實錄有
恐字

訓道不明也朕

聞書曰至誠感神況於兆庶乎比聞遠近黔黎耻為盜

賊州縣囹圄多並空虛豈由德教至此自是人心厭亂

因其遷善可以化之朕往因征伐行天下多矣每見村

落丘墟未嘗不撫膺歎息自登九五不許橫役一人唯

冀遐邇休息得相存養長育

詔今
作幼

有序敬讓興行其孝

義之家賜粟五石高年八十已上粟二石九十已上三

石百歲加絹二疋婦人正月以來生男者粟一石鰥寡

孤獨不能自存逃戶初還交

實錄作歲

無糧貯州縣長官量

加賑恤

詔令作濟

諸州官人或正直廉平刑清訟息

實錄作簡

或

貪婪貨賄害政損人宜令都督刺史以名封進白

實錄作比

屋之內閭閻之人但有文武才能灼然可取或言行忠

謹堪理時務或在昏亂而肆情遇太平而克己亦錄名

狀與官人同申泣辜慎法前王所重枉繫一日事等三

秋州縣法司特宜存意普告天下知朕意焉

貞觀三年四月

養老德音

詔令作太上皇康復詔

門下書不云乎一人有慶兆民賴之朕虔奉大安愛敬
宗極日嚴之養祇慄斯在近日聖躬違豫寢膳有虧憂
懼在懷不遑寧處博求醫術備盡蠲瘳祈告明靈具陳
懇薦上玄降福遂蒙昭祐應時康愈萬福咸宜喜幸之
隆實兼家國思頒愷樂洽於卿士然而尚齒崇孝德教
所先饗餼是加義超常等諸州都督刺史及文武官人
老人八十以上并孝子旌表門閭者並宜節級賜物以
申饗宴庶使萬國之內同此歡心施于四海皆知朕意

貞觀四年七月

優獎太原勲舊德音

詔令作高祖山陵畢賜從功臣及百姓恩澤詔

編制

門下高祖大武皇帝天縱神武膺錄受圖可久之德格
乎區宇敦睦九族協和萬邦賢能必進德化潛洽革百
王之弊興三代之風天平地成邇安遠肅至德被於四
海休烈光於千載巍巍蕩蕩無得而稱焉朕嗣膺寶祚
夙夜兢惕思述先志被之率土其內外姻戚平生故舊

太原元從官人及歷試之所文武僚佐爰洎胥吏往雖
每降國恩恐未周悉或才用不申階品屈滯或家道貧
匱子孫淪沉須有矜量咸使得所先朝憂勞庶政唯以
恤民為本諸州都督刺史政績可稱者宜以名聞奏其
諸州百姓營奉山陵者宜量與詔令蠲免可令所司詳
為條例聞奏并務從優厚稱朕意焉貞觀九年十一月

嗣聖德音

後編作發
宣撫使勅

門下昔者明王之御天下也內有公卿允釐庶績外有

侯伯司牧羣黎猶懼至道不孚淳風或替故有巡狩之

典黜陟幽明行人之官省方察俗用能遐邇咸乂

一作遂性

情偽無遺於變時雍率其道也朕祇膺嗣德恭守帝圖
上稟過庭之謨下憑士庶之力竭精思理兩載于茲冀
逮小康漸躋至化而區宇遐曠風教未周負宸長懷責
深在已近者奸回構釁竊起蕭牆宗社降靈應時殲殄
今又恭承聖訓總統大猷率彼百官齊茲七政恐倉廩
不實禮節未興吏靡息於貪殘人或滯於幽枉永言於

此明發疾懷今卜征未及時邁仍遠宜分輶軒慰撫黎庶畢構等並操履公清識具明允茂績彰於歷試嘉譽滿於周行宜膺行李載光原隰所至之處申諭朕心并令屏絕浮華敦崇仁厚務脩孝悌勤事農桑耆老鰥寡征人家口不自存者咸加恤問德舉言揚唯賢是急若有良才異等藏器下僚哲人竒士隱淪屠釣審知才行灼然者各以名聞凡百牧宰洎乎吏人咸悉朕心各敬乃事勤則不匱仁遠乎哉勉矣勗之以副朕意

先天二年七月

此篇四百六十一卷重出今已削去

居大明宮德音

一作大明宮成
放免囚徒等制

蘇頌題

黃門朕聞養人者謂之司牧非逸於人上事天者謂之

帝皇

一作
王

蓋御乎

一作
於

天下故作為棟宇以避燥濕居

於臺榭以順高明斯乃奉時令布政教

一作而
行政

也朕以

不德祇膺睿圖寶十家之產愛兆人之力未嘗興功於

土木役思於池籞冀之休又以致雍熙自律應長羸時

方大暑溽雲屢起溫風且至伏以太上皇宴居珍

一作
頤

衛滌慮清聞迹不往於甘泉心每期於汾水朕侍于左
右以奉晨夕助玄默之化則虧於聽理當炎蒸之序又
瀆以囂煩惕焉在懷敢忘順色然大明創兆先聖所營
即舊不加因時而往千門萬戶外雖謂於別宮一日三
朝中自連於複道下所以寧問安之懇上所以資習靜
之娛實獲我心裨康政理古有服珍裘者則念人之寒
居夏屋者則念人之熱況此歲阻饑饉甫田不稔或愚
人陷罪圜土稱寃凡厥庶僚將何以恤兩京及諸州宜

令長官親理寃獄除犯名教及官典犯贓并緣祿一作妖通

用偽以外餘罪徒以下咸宜放免其有茂才異等拔萃

超羣緣無紹介久不聞達者咸令自舉朕當親問其應

宣撫咸使名聞舉人試第四等宜准舊例別加優獎見

任人各量與改轉前資常選人至冬依選例處分其未

出身者兼一作並授散官先天以來軍將押衙官等在陣

戰亡者令本軍勘實奏聞其妄說災祥狂惑閭里并令

州縣長官等嚴加捉搦仍令御史金吾訪察繩糾有能

直言極諫補朕之闕者各封狀進朕將親覽如有可採
當加獎擢其皇親諸親及東宮承優任員外檢校等官
近停令至冬處分者有家道貧迫情願外任者亦令所
司勘績闕量才注擬其緣坐流人處置有輕重不類者
令所司勘會聞奏上者施行開元二年
六月八日

一作皆唐大詔令

營興慶宮德音

一作興慶宮
成御朝德音

編制

門下朕昔在藩國此維邸第乾坤未泰陰陽尚蒙則有

神物効靈祥符肇貺飛嘉一作佳氣於在田之際湧瑞池

於或躍之時惟此舊居式加新宇周墻僅板於百堵卑

宮不階於三尺棟梁之用毀撤所餘聊以紀天地之休

徵貽子孫之儉約耳屬春令變一作爰始時惟發生萬國

來朝千官入賀既稱觴以獻壽宜施惠以布德况農桑

在候稼穡正興或幽彼囹圄獨隔陽和之澤或迫於徭

役不遂農桑之務言及於此軫歎良深其徒已下罪且

令責保其一作并應當番兵丁匠等灼然單貧者所由勘

會並放營農所在訴訟長官隨事疏理勿使寬滯非軍國所要餘不急之務一切並停仍加勸課循植農穡其河北水損戶既屬春事慮有乏絕不支濟者宜委使與州縣相度量加賑恤諸處行人之家及鰥寡惇獨不能自存者州縣長官親加優撫使得存濟應有差科量事矜放且宣風緝化職在令長有司銓藻之次特宜審擇其才惟德與刑為政之要頃無聞於風化多取威於櫜楚理人之道其若是乎愚昧之流或輕抵犯宜加曉諭

使識章程其含生之類不得輒有屠殺天下捕獵亦宜
禁斷仍嚴加捉搦百司各遵時令務弘寬大之典使正
理無失稱朕意焉

開元十六年正月二十六日

一作皆唐大詔令

皇太子納妃德音

張九齡

勅禮有謹於初義亦重其本凡是姻媾且宜正於人倫
況在元良更將承於宗祀皇太子鴻儲副是屬仁孝自
然爰從吉辰式備嘉禮上祀

一作事

下繼君子重之言告

言歸朕豈無慰非獨在予之慶宜申與衆之澤應天下
囚徒死罪特宜免死配流嶺南遠處流罪降至徒徒已
下罪並宜釋放其造偽頭首勾合知情受偽人等罪雖
徒流仍使隸於百姓至彼勿許東西諸道征行人家及
鰥寡惻獨委州縣長官檢校矜放差科使安其業中間
有不支濟者量事賑給仍量助其營種長安萬年兩縣
百姓及今月當上躡騎衛士雜匠掌閑幕士駕士工人
樂人供膳主膳官馬主食弓手等並免其家今年地稅

三衛細引飛騎萬騎監門長上及禮生有職掌者各減
一年勞在京文武官九品已上見在京外官因公使及
堂上在京新除五品已上外官未辭并致仕官朝朔望
者各賜勲一轉東宮官九品已上及諸司緣禮會祇供
官等更加勲一轉五禮使兵部尚書兼中書令蕭嵩特
封徐國公禮會使黃門侍郎同中書門下平章事韓休
特與三品妃禮會使少府監馮紹正賜紫金魚袋諸副
使及判官更加勲一轉禮官備者夾侍官及孔目官使

典主旌節等選日優與處分仗內馬家內侍省給使教坊音聲人緣太子禮會祇供者各賜勳一轉皇太子舅尚輦奉御趙迥遵特與三品仍改與三品官前右武衛騎曹趙迥進特與五品仍改與五品官皇太子侍讀侍書等各加一階皇太子諭德潘蕭特與五品太子妃兄通事舍人薛愿特與五品仍改與五品官兄吏部常選愆特與五品仍與五集作六品官今日應預會官等各節級給賜物即宜領取宴慰者所以宣其情頒賜者所以

將其意公卿百辟庶知朕心

開元二十一年五月二十一日

優恤德音

門下朕猥際休運多謝哲王而哀矜之情大小必慎自
臨寰宇子育黎蒸未嘗行極刑起大獄上玄降鑒應以
祥和叶平邦之典致之仁壽之域自今有犯死刑除十
惡宜令中書門下與法官詳所犯輕重具狀奏聞崇德
尚齒三代不易移風勸俗五教攸先其曾任五品已上
清資官以理去職者所司具錄名奏老疾不堪釐務者

與致仕祿道士女道士宜隸宗正寺僧尼令祠部檢校
百司每旬休節假並不須親識事追勝為樂以示內外

知朕意焉

開元二十五年
正月十七日

歲初處分德音

張九齡

勅天地以大德育羣生

詔今作
生羣有

聖人以大寶守萬物古

者受命之君謂之承天之序明有所代夫豈徒然若道
無欽宗命不永保帝寶臨汝人曷戴君朕所以每期庶
乎合於仁覆之意也夫伏羲神農黃帝堯舜或誅而不

怒或教而不誅彼亦何為獨臻於此朕自有天下二紀
于茲雖未能晝夜以禁亦未嘗刑人於市而政猶踳駁
俗尚澆漓當是為理之心未返於本耳凡人豈不仁於
父母兄弟不欲於飲食衣服乎而率被無孝友之名不
溫飽之困其故何哉蓋未聞義方不識善道或任小智
而為偽或見小利而苟得致遠則窮繼之以暴已而身
受戮辱家不相保愚妄之徒類多自陷獄訟之弊恒由
此作吁可悲乎亦在教之不明也蓋刑罰者不獲詔令
作得

已而用之天下黔黎皆朕赤子以誠告示其或知歸何
必用威然後致理先務仁恕寧不懷之且五常循行豈
湏深識六親和睦何待丁寧自宜勉之以副所望刑措
不用道在于茲今獻歲之吉迎氣伊始敬順天常無違
月令所由長史可舉舊章諸有媪伏孕育之物蠢動生
植一作靈之類慎無殺伐致令天傷九土異宜三農在候
聚衆興役妨時害功特宜禁止以助一作租春事至若家
有征鎮人或孤惻物向陽和此獨憂瘁良可憫也亦令

所由在一作隨事優恤蓋不體仁無以為長不知道無以

用心故道者衆妙之門而心者萬事之統得其要會義

可以兼濟於人失其指歸生不能自全於己故我玄元

皇帝著道德經五千文明乎真宗至於妙用而有位者

未嘗詔令講習不務清淨一作

靜

欲令所為之政

詔令

教作正

何從而至于太和者耶百辟卿士各須詳讀勉存進道
之誠更圖前席之議至如計較小利綜緝煩文邀名且
行去道彌遠違天和氣生人怨心朕甚厭之所不取也

各勵精一共興玄化俾蒼生登於仁壽天下還於淳朴
豈遠乎哉行之可至其老子道德經宜令士庶家藏一
本仍勸習讀使知指要每年貢舉人量減尚書論語一
兩道策准數加老子策俾敦崇道本附益化源朕推誠
與人有此教誠必驗行事豈垂空言今之此勅亦宜家

置一本每須三省以識朕懷

開元二十二年正月一日

文苑英華卷四百四十